

八瓊室金石補正

八瓊室金石補正卷七十二

男 繼輝校錄

太倉陸增祥撰

吳興劉承幹覆校

唐 四十四

狀嵩高靈勝詩刻

大和三年六月十日
萃編載卷一百八

明作裏

作裏

對聳壁立

缺聳立

不割

測誤

雙

眺

雙誤

良久

缺良

畫為神像

缺畫

世說

缺世

願停

缺停

附王紳題字

□侍大梁

脫□侍二字侍
上似是常字

東郡懷古詩

大和四年六月一日
萃編載卷一百八

神期

期誤
明 跳作

右內率府兵曹鄭準墓誌

高一尺廣九寸四分廿行行廿
字字徑四分正書在崑山潘氏

□故右內率府兵曹鄭君墓誌銘

并序

潁川陳齊之撰

昔鄭桓公爲王卿士始受鄭於周因封命氏漢魏以降

其族滋大有唐以來□□□軌君其裔也曾王父璿河

南少尹王父溥尙書右部郎中應青邢相衛□幽懷七

州刺史入爲左庶子皇孝華駕部郎中吉州刺史仕濟

其美時与其能君卽吉州之少子也隱不違世顯而成

晦於所與以義於取入以□以

邀

遊江湖而無所爲累

也君諱準字□道其先榮陽人有憲也之貧□□□之

貴人之於此皆不堪其憂君之於此未嘗滑其□□□

□爲知命也大和四年正月二日遘疾終于蘇州華亭

縣白砂鄉徐浦塲之官舍享年六十有三有子五人嗣

曰宗儒次曰宗韞次曰宗慶次曰宗遜皆銜恤茹哀克

奉先訓又一子奉釋氏教端殷清淨修無生忍名曰宏

直嗟乎伯仲琳季於執喪之禮皆得順變卽以其年秋

八月廿五日權塋于義興縣洞庭鄉震澤里下朱村原

從宜也有女三人皆在沖幼五子以余有往年之舊請
余於文銘曰其生也天其死也天死生皆□方何適非
然嗚呼苟不達於此哀何勝焉

是誌陶氏載入古刻叢鈔其石見存鄭準滎陽人爲
蘇州兵曹參軍卒於華亭官舍權葬於義興縣之震
澤里唐義興今宜興縣也誌末請余於文於當作爲
或作請文於余亦可唐書宰相世系表鄭璿官河南
少尹溥官左庶子華官太常博士華官雖與誌異其
爲準之三代無疑然表載溥華父子在璿右一行不
系於本行之下以誌證之知其誤矣

古誌
石華

案準曾王父璿王父溥父華並見宰相世系表璿河南少尹溥左庶子與此誌合惟華官爲太常博士溥弟平乃吉州長史以誌證之疑表互錯尙書右部郎中百官志尙書省尙書令一人左右丞各一人吏部戶部禮部左丞總焉兵部刑部工部右丞總焉郎中各一人從五品掌右丞所總之部故曰右部郎中自華以下世系無考別有準官楊子丞著房不同難以牽合又唐末詩人鄭準字不欺乾甯進士荆南節度成汭推官爲汭所害有渚宮集一卷則唐固有三鄭準矣右內率府兵曹東宮官屬六典太子左右內率

府其屬兵曹參軍事正九品下掌文武官及干牛備身之簿書及其勳階考課假使祿奉之事準爲右內率府兵曹而疾終於華亭徐浦場官舍唐制關津令尉亦有他官奉敕監者準豈嘗爲徐浦場津令邪或游於華亭而終於監津之舍邪地理志蘇州吳郡華亭縣常州晉陵郡義興縣並江南道因近權葬幸以片石流傳至今猶知鄭準誌銘爲頴川陳齊之撰書者不著名筆法整秀似爲趙孟頫先導矣拓本得之蘇州未知石藏何處明陶宗儀古刻叢鈔已載之今拓本華充真三字闕据叢鈔增入

金石續編

廿行字徑四五分未見前人著錄碑石亦未知出於
何年見於何地誌言君諱準字□道其先滎陽人又
言大和四年正月二日遘疾終於蘇州華亭縣白砂
鄉徐浦場之官舍卽以其年秋八月廿五日權塋於
義興縣洞庭鄉震澤里下朱村原從宜也攷唐時鄭
氏宰相九人支分南北此誌述鄭君曾王父璿王父
溥尙書右部郎中厯青邢相衛□幽懷七州刺史入
爲左庶子皇考華駕部郎中吉州刺史璿溥名並見
新唐書宰相世系表乃北祖之後也表於溥下但注
左庶子未載其先厯官華下注云太常博士不云駕

部郎中吉州刺史與誌異表於華下不書子孫名今
据誌準爲華之少子則華不止一子而準又有子五
人宗儒宗韞宗慶宗遜其一子爲僧皆可補表之闕
孫光憲北夢瑣言亦載滎陽鄭準事則別是一人曰
砂鄉見楊潛雲間志又有嘉興監徐浦下場殆卽此
所云徐浦場也石今藏陸直潘驥家云得之洞庭東

山

吳郡金
石目

余兩得此拓本華充二字無存死生皆之下似是
壽字黃氏作天陸氏作真茲仍闕之以父邀三字
据諸家所錄補注於旁古誌石華以誌中終於蘇

州之語謂準爲蘇州兵曹參軍大謬誌明言右內
率府也補訪碑錄以誌中葬於義興縣之語謂石
在宜興未爲得實吳郡金石目以爲陳濟之撰亦
非石華載此憲作回知命作之命秋八月脫秋字
適作爾皆誤端殼清淨以殼爲慙誌有翻刻第十
二行華字尙可辨末一焉字下半偏右讀者辨之
洋王府長史吳達墓誌 大和四年十月廿日
萃編載卷一百八

寇同撰 脫撰
字

父璩 缺璩
字 弔喪之客 弔即弔字
誤作予 陵之變 石刻陵下無
字誤作一口

舊唐書憲宗第五子忻元和元年進封洋王達之累

試長史當在元和元年以後

平津讀碑記

是誌出自長安嘉慶二十二年段君嘉謨令武功移置縣署文曰文王封太伯於吳案世本武王封周章於吳奉太伯之祀非文王事誌內豫避代宗諱作豫又避太祖諱改白虎作白武六月有六日有字疑衍否則月下脫十字然顏魯公書殷君夫人碑亦有七月有五日均又似唐人有此書法孰紀陵谷之變句陵下脫谷字夫人萬氏捐館於前里第金石萃編云捐館二字本史記蘇秦傳用之於婦人始見於此余謂蘇秦傳奉陽君捐館舍謂捐棄賓客之館不忍直

言其死也猶臣稱君曰棄羣臣子稱父曰棄不孝之
義婦人安得有賓館可捐然其誤不自此志始也庚
子山集賀拔夫人元氏墓誌已有遺疾累旬奄捐館
舍之語卽萃編所載元和七年許孟容撰裴耀卿碑
亦有太夫人捐館之語皆在此誌之前其後相承誤
用者如蘇長公集亦有太夫人捐館及表嫂壽安君
還捐館舍之語余嘗於癡學中具論之矣

古誌
石華

古誌石華弔喪作矛喪尤誤又改肩嗣爲令嗣國
始大焉焉誤刻作馬

劉漢潤妻楊珽墓誌

方二尺三寸八分三十行行三十
十字字徑六分正書在長安

唐左神策軍護軍中尉副使兼左街功德副使金紫光
祿大夫右監門將軍上柱國高平郡開國公食邑二千
戶劉公故夫人宏農縣君楊氏墓誌銘

并序

朝散大夫試太子詹事兼監察御史魏則之撰

將仕郎試太常寺奉禮郎李約書

在銘
詞後

夫積慶者宜鍾乎丕祉享祐者宜降以永年縹緜若斯
根源靡究然脩短之分豈造次而踰焉嗟乎月慳仙娥
星收移彩花摧玉樹噫足悲哉

夫人宏農楊氏諱珽字瓊華京兆長安縣人也曾祖

待賓 皇昭武校尉守綏州義合府折衝 祖延祚

皇任內飛龍厩都判官寶應功臣太中大夫行內侍省

內常侍上柱國賜紫金魚袋 父惟良 皇任華清宮

使朝散大夫守內侍省內常侍上柱國賜緋魚袋皆簪

組傳榮衣冠奔萊庸勲繼代諫譜詳諸夫人卽 內

常侍公之長女也坤靈毓質蘭畹挺姿性稟冲和量懷

溫雅詩書贈曹家之典管絃精蔡氏之詠婉嬋含貞宗

族攸重三星始見百兩爰來年洎初笄適于高平

劉公漢潤齊眉等貴合鰲聯輝相敬如賓和鳴並耀日

來月往卅餘載晨昏盥饋夙夜無違逮事 舅姑益

彰溫清因夫延寵疏邑顯榮石窀之封固無慙德繇是
閨門鬱郁素履弥芳壺範聿修彤管稱美宜乎永諧宮
徵終契百年之歡樂往悲來旋徵二豎之夢膏肓有驗
和扁無瘳沉痾連綿委愒臻極以大和四年六月十一
日卒于輔興里之私第享齡五十有四粧奩遽閑香閣
永辭逝水不迴奄歸長夜嗚呼哀哉瓊枝忽墜鸞鏡徒
懸悼隔幽明痛深泉路地下先遠龜筮告從旌旆啓行
輜輶就引卽以此年十月廿九日遷窆于鳳城西之
龍首鄉龍目原禮也有子五人長曰仕仵子亭判官太
中大夫行內侍省內府屬丞上柱國高平縣開國男食

邑三百戶次曰仕備朝議郎行漳王府參軍上柱國次

曰仕侗中散大夫行內侍省內府丞上柱國袁城縣

開國子食邑五百戶次曰仕僚次曰仕份賜綠或趁馳

梵掖或叅貳王曹或委質宮闈或優遊墳籍皆形神

特立雋秀當時聲掩八龍價邁三虎茹荼叩地瘠毀苦

廬泣血絕漿孝佗曾閔攀號不逮瑪墓岡依感切風泉

哀種骨髓恐川成峻岳山變洪波顛刻貞珉庶旌盛烈

銜悲見請竊愧謏才握管掎絆多慙漏略銘曰

易讚坤靈詩美嬪則婦道母儀柔從泝克行標茂範德

播擇隣事 上盡敬撫下推仁宜昌百祿保壽千春天

胡不臧降禍茲辰宅地何所 鳳城面偏松檟云樹曉
夕疑煙楊葉蕭蕭馬蹏危危芳塵漸遠朗月空垂

吳郡朱弼刻字

其子仕備誌載父諱英潤此作換潤為異

古誌石華

石華後作霧誤

李夫人韓氏殘墓誌

方一尺四寸五分第一行無字約廿二行行約廿七八字字徑五分正書在甘泉岑氏

□□李氏本元元道君及下高尙不仕門無訖交訓誠

下□□永大和辛亥季月建中郡□□夫人韓氏起因

唐下井下□□□晉室□□韓下窰下□□□□□□□□□□

其下約六行此後
□□□□□□□□□□
逾下約三行後□

□□□□□□□□□□
未學無讓焉敢下約上此佳城□

啓宅地下上仲約芝蘭在圃萼□□芳令□□□下

上約從克備□德昭彰知身□□幻化無常不滋下上

無應天□□□母賢子孝養不終下上□□□子孫遺

範地下

壬申十二月汪硯山以米九娘墓誌及此寄贈此

志曼臧特甚首行無一字可辨文云李氏本自元

元道君者唐以老君爲始祖也云夫人韓氏起因

唐叔又有晉室字韓騫字敘韓氏之先世也元和

姓纂韓出自唐叔虞之後又云景侯分晉爲諸侯
又云南陽堵縣頽當元孫鸞避王莽亂居之與碑
所述同文敘李氏無多語而於韓氏較詳銘詞內
有□疑是三字從克備及母賢子孝語然則此誌爲韓
氏作也後幅不見年月前有大和辛亥季月建□
字因卽次於大和五年建下所缺似丑又似辰字
中幅下方有題字記出土時地剝泐僅見城西十
三里字耳獲石者宋葆瀆安邑人

幽州節度衙前兵馬使王夫人李氏墓誌

高一尺二寸二分廣一尺二寸廿五行行廿五字惟
撰書人題銜一行不拘格第十三行廿六字字徑四

分正書微帶
行筆在陝西

唐幽州節度衙前兵馬使王公夫人故隴西李氏墓誌

銘并序

正議□夫檢校右散騎常侍兼光祿卿上柱國賜紫
金魚袋劉礎撰并書

夫人諱元素其先隴西人也爰祖及父俱厥名位高尚
不仕以從其心 夫人四德克修五常無爽鄉黨重
其孝隣里傳其行年□九適 王公因家于幽州之幽
都縣與其娣姒偕事 先姑夫人藝出自然孝秉天
性及 姑之病綿歷歲時 夫人色不滿容行不正

履飲食湯藥必致其誠裁縫繡畫必盡其力是以先
夫人愛之重之不使離其側每謂所親曰我見此新婦
則疾覺小瘳其敬順之至通於神明矣洎丁先夫人
之禍亦以孝聞有男二人長曰從約次曰從禮有女一
人早歸於礎元和之末

穆宗纂位礎自幽州戎倖作牧南陽夫人愛女隨

焉銜命西土旋屬薊門長惡□□搏兵音書兩亡倏忽
十載九秋明月不照別離之心三峽夜猿應識悲涼之
思粵去年秋七月方達京邑弃危疑之地登仁壽之鄉
室家以和骨肉相保豈期百花林下未盡歡娛三春節

中俄聞哭泣以大和六年二月廿有九日遘疾終於道
政里之私第享年六十六屬續之時精神不撓所有遺
託其詞甚哀嗚呼 夫人合二姓之好厯四紀于茲

事夫稟梁鴻之婦道訓子□□□之母儀理家以正接
下以慈命也不造德之何裒卽以其年五月八日歸葬
於京兆府萬年縣龍首鄉成義里鳳栖原禮也雖粹徽
昭□□有於遐迩而陔谷更變或資於述作琢于貞石
用紀 遠芳乃爲銘曰

桃之夭夭 灼灼其華 彼美夫人 宜其室家 旣

出李宗 嫁爲王婦 容止可觀 進退可度 唯靜

雄默 以貞以素 誰謂年光 忽如薤露 成義之

里 鳳栖之崗 窸窸墓門 蕭蕭白楊 身葬異國

神口故鄉 萬歲千秋 德音不忘

石右上角已破損缺二字王公名不詳題銜云幽
州節度衙前兵馬使案新唐書地理志幽州范陽
郡大都督府本涿郡天寶元年更名方鎮志開元
二年置幽州節度諸州軍管內經略鎮守大使天
寶元年改幽州節度使爲范陽節度使上元二年
復舊名此志係大和六年所立故云幽州節度也
百官志節度之屬無兵馬使之官惟天下兵馬元

帥下有前軍兵馬使中軍兵馬使後軍兵馬使各
一人此云節度衙前兵馬使者殆有兵事則設之
邪幽都本薊縣地隋置遼西郡武德元年曰薊州
天寶元年曰歸德郡建中二年爲朱滔所滅因廢
爲縣屬幽州云薊門長惡者當指朱克融王廷湊
之亂也撰書者劉礎其女夫也於史無攷正議大
夫正四品上散階右散騎常侍正三品下光祿卿
從三品上柱國正二品勳又案新唐書王廷湊傳
云王承宗時爲兵馬使竊意夫人之夫卽王承宗
也廷湊叛逆故云危疑之地

聚慶墓誌

方一尺一分十二行行字不齊字徑五分
銘詞字較大正書直界格在嘉興張氏

唐故聚府君墓誌銘并序

諸葛驥撰

府君諱慶字文悅馮翊人也大和六年青龍在壬子九月十七日歿蘇州嘉興縣進思鄉私舍春秋五十祖疑曾祖瑀父達家諫具述不書也公卽達長子也志操孤峙孝友無先雖不夢奠之徵忽生鞋履之別娶陸氏有子二人長蒨次允孚女一人偕血泣柩左扶疫問於筮兆當年十月廿六日封當縣南甘露御崇福里祖墳禮

也恐煙峯及巨溟變改請文勒石詞曰

悲鴻驚月啼霜天 寒雲長夜斗牛懸 嗣子哀號望

不返 令問遺風光萬年 佳城虎踞龍左盤 刊文

勒銘金石堅

右志文十三行首三行皆十九字餘參差不等正書
字徑七八分文言勒石其實以方塼刻之行間有細
線爲界塼藏張叔未齋己亥三月予由嘉興往杭州
便道訪叔未於新篁里出此志相賞因手拓其文攜
歸補錄入之志雖無書人姓名而字體工整古雅勁
脫猶具唐人書家矩矱且無一字漫漶尤難得也叔

未言志於三十年前出秀水縣螺潭廟側田中予攷
秀水縣乃明宣德中分嘉興縣地置嘉興本漢縣屬
會稽郡東漢屬吳郡唐屬蘇州石晉天福四年置秀
州宋改屬秀州又改陞秀州爲嘉興府自後嘉興縣
皆屬嘉興府太平寰宇記云嘉興縣舊五十鄉今四
十二鄉因割八鄉置崇德縣故也此志言歿蘇州嘉興縣進思鄉
又言封當縣南甘露鄉崇福里蓋皆宋以前五十鄉
中之二鄉舊名也又攷說文木部榦木薪也而廣韻
十八尤旣收榦字又別出聚字引字統云姓也則正
與聚府君之姓合且攷毛詩聚子內史亦作聚鄭箋

謂聚爲氏可知聚姓已見於三代矣說文所收之字亦有以偏旁在下在右分作兩字者

如言部譌暮二字之類

豈

聚字爲後人誤刪邪据此志唐時尙有聚姓廣韻又明引字統與榘字分作二體而今韻書但有榘而無聚又不知刪於何人可知後代增加之字固不少於經典相承之古字反遺而刪去者亦多矣志稱聚府君馮翊人蓋書其舊望也文云扶疾同於筮兆疾見廣韻五支云疾也筮乃筮之別體說文筮作籒从古

文巫

古泉山文館金石編

毛詩聚子內史通志氏族略晉有聚籌今襄陽江

南並有此姓萬姓統譜聚見姓苑今江南有此姓
晉聚籌令晉陽聚氏之可攷者僅此耳聚氏得姓
之始無從引證以余攷之當是以邑爲氏者說文
聊魯下邑孔子之鄉左氏襄十五年傳聊人紇註
云魯縣禮檀弓聊曼父之母聊爲姓也本作聊通
作聚故毛詩作聚漢書古今人表內史揆子作揆
漢隸从木从手之字往往互溷揆卽極也聚極一
字瞿先生以說文無聚疑爲後人誤刪殆非其聚
氏之聚說文自有聊字可無再收聚字又別無他
誼也姓氏之字古今歧異者甚多卽以以邑爲氏

者而論有本从邑而變爲它字者有本係它字而
後變从邑旁者就所知言之其卽凡邛丕邛丙邛
召之類僅在加邑不加邑之分者無論矣其契邛
邛蔡邛廌邢耿之類字形絕異而音實相同者亦
無論矣如邲通作談邲通作倪邲通作杭邲通作
沈邲通作費邲通作洽邲通作荀邲通作徐邲通
作黎邲通作舒邲通作夢邲通作譚邲通作檜邲
通作穰邲通作謹邲變作許邲變作裴皆邲通作
聚之證其例一也邲俗作邲則合邲聚二字而一
之如黎本𪔐也俗又作邲費本邲也俗又作邲與

此正同聊人字論語作鄒則又以取聚可通而變
取从聚與陬或作際同又史記孔子世家聊邑作
陬蓋借陬爲之或聊之命名本取卑陬之義如邛
變爲阮之類誌敘先世先祖次曾祖次父殊繆恐
煙峯及巨溟變改句有脫誤峯疑烽之訛號作歸
而虎字不改寫何邪

大理司直辛幼昌墓誌

高一尺二寸五分廣一尺三寸廿三行
行廿六字字徑三分許正書在西安

唐故試大理司直辛公□誌銘

姑射處士睦□撰

公諱幼昌字宏通其先隴西人曾父奉國開府儀同三

司州判史天德軍使兼御史大夫上柱國西郡肅

國公食邑二千戶贈工部尚書烈祖榮朔方節度副使

發都知兵馬御史大夫平陽郡王食實封一百

五十戶父節通州諸軍守州判史兼御史中

丞公累傳茂範振能名機暮卓然宏固天縱也

群會之際識者目落落之清姿則固天縱也

暨手瀚墨撫大之何署

將來大之何署

金拖紫之崇貴得不坐而至乎伏波建之爵得

不俯而量乎亦何俟矻矻伏膺然後爲學繇是六奇三
略開闔□□□鳴弦架鏑遠近弛張謂古之破□踰狽
今□當仁矣公以業□□組旌戟交輝固欲指□青雲
□楊白日仕進之廣路官學之多門□躡梯階式爲修
立授試大理司直□寄□□□□□游孟仲芬葩芝蘭
煜馥豈止 趁庭申□敬之則□節□□□□誠遠
望前程孰究□標豈其彼蒼者天脩□□筭巨鱗既□
□窺勢窮以大和六年十二月廿五日卒于平陽□之
私館□□廿□六允子師周攜騃未識熙怡詎悲零丁
鴈行□□□□□□□□□□牧通川南北迫通山

川綿隔□家于晉已歷歲時凶訃□飛□□增疚仲兄
幼直等部辦□□克叶龜從以明年三月廿七日□□
歸附於京地萬年縣三趙村東原之□□大塋禮也固
恐柴田□谷□徙星霜庶據□寶彛不朽而雕于石其
緯云 命運宰知兮杳冥莫惻 □□□□兮
殲我懿德 不可贖兮□□□□ 閉元宮兮松栢爲
隣

右大理司直辛幼昌墓誌當在咸甯出土曾祖稱
曾父他處罕見奉國爲天德軍使封□西郡公諡
曰肅榮爲朔方節度副使封平陽郡王卽其父亦

爲刺史而史皆無傳殆無行蹟可紀也天德軍見
新唐書兵志屬河東道地理志安北大都護府開
元十二年徙治天德軍又中受降城西二百里大
同川有天德軍天寶十二載置乾元後徙屯永濟
柵故大同城也据此則天德軍置於天寶與所謂
開元十二年徙治天德軍者不符

習空和上塔銘

高一尺四寸廣二尺一寸文廿六行行二十一字第
十九行多一字前後五行字不一字徑五分正書在
甬咸甬

唐故內供奉翻經義解講律論法師習空和上塔銘并

序

正議大夫守秘書監上柱國琅琊縣開國公食邑一
千五百戶賜紫金魚袋王申伯撰

天地之德至大非風雷日月之用不能贊其化育而發
生乎萬物釋氏之教至精非聰達惠覺之士不能揚其
妙道而化度乎群疑天生法師克契斯義用安一世以
垂化後云法師諱習空姓任氏弱而神清幼而不群年
八歲心已嚮佛誠請旣行緣愛自去遂授經于惠雲卒
學景鸞耳所一聞亦旣懸解目所一覽又若夙習跪陳
精奧師皆歎異知□其法非天縱之孰能如斯法師常

謂弟子曰我靜觀衆生或瞽或聾嗷嗷嗤嗤溺於狂妄
若智者不能扶仁者不之慈雖獨揭厲于清源則大聖
之教又將安施於是張善惡報應驅僻邪於中正導真
如之理解拘縛之勞登高抗音化可不化侍

代

宗則聲仁王之文言發而歸于大中理貫而合於至正
故君聞而仁臣聞而忠推而廣之夙化斯變

詔

法師与天竺三藏譯六波羅蜜經功畢

上獻

天

子感歎錫賴有加雖異方之奉斯學者知有所本矣由
是大教揚溢于海內惠風漸漬于人心

朝廷垂衣

刑措于下其或有助乎嗚呼時將不幸人其無依以貞

元十年正月十五日告行于興唐寺報年六十一弟子
惠見等与俗侶白衣會葬服纓者千人□以其年三月
四日弟子智誠等共起塔于畢原高崗旣相与彌慕
不逮回謠鄙人刊銘于右述其妙道用慰永懷銘曰
佛有妙法使皆清淨世界罕聞色塵皆盛其心逐于妄
情乱于性扇爲頽風蕩然莫止其大哉我師降厥
慈悲開示寂樂破摧昏疑其法相旣圓色空自離千萬
大衆歎泣而隨其大教旣揚威德亦光除彼煩□化爲
清涼其功成身去自契自藏銘于塔石与天俱極其

大和七年歲在癸丑八月十五日比丘智亮等建

從一法源趙秀惟昭惟安惟永智謙日榮海印惟曉

惟旭自謙善惠少游京兆田復書

案晉空和上塔銘王申伯撰田復書申伯結銜正議
大夫正四品上文散官祕書監從三品職事官上柱
國正二品勳官瑯琊縣開國公從二品爵唐書宰相
世系表瑯琊王氏有申伯不著官爵可据此補之晉
空之晉同辯玉篇俗辯字興唐寺本名罔極寺唐神
龍元年太平公主爲則天皇后建開元二十六年改
名興唐見通鑑注及本寺碑記金石續編
同兵參軍杜行方墓誌

方一尺九寸五分廿四行行廿
四字字徑五分正書方界格

唐故同州司兵參軍上柱國京兆杜府君墓誌銘 并序

姨弟尚書吏部侍郎鄭澣撰

堂弟前同州夏陽縣尉述甫書

在銘
詞後

嗚呼士君子表於代而列於薦紳靡閒言由已之仁義
是以而又繕性於和體道於仁遵坦衢泳天爵獨稟貞
厚與令名相終始雖位壽或外人且許之爲達矣

公諱行方字友直京兆杜陵人也

曾祖諱元

志杭州刺史

王父諱參謨陝州司倉贈禮部郎

中

烈考諱倫文術政事爲時龜玉異時選部弟

書判

明廷策賢良皆登甲科價賤公論歷憲閭郎

署而後出分符竹

公卽澧州府君之長子弱冠

游國庠以經明擢第釋褐任右司禦率府胄曹參軍久之從調換同州澄城縣丞三改秩至左馮翊司兵掾以大和七年秋七月十二日啓手足于上都昇平里之私第享齡六十問於龜策得十一月甲寅吉乃卜窆于萬年縣龍首鄉龍首原

夫人滎陽鄭氏祔

夫人試秘書省校書郎稱之弟二女操順湣明先

公十年而歿有子五人碩顥顥順其幼小字曰老老女子子二人皆柴立致毀弔賔爲之反袂

公平

生於分義取明四方名人泊中外族昆弟其或旅食靈
臺求選京師懽然授館改星霜無倦色閑探百家之言
賦詩什頗道麗奄忽不□人人以命不可說相唁澣知

公之事烈詳熱雪涕識□□而□之其銘曰

山□□□_考昭令圖陰陽難詰_考或隆或汙精金不試

兮良玉不沽清風可挹_考白日西徂野雲屯兮壘草蕪
永矣潛寐_考國城東隅

宰相世系表襄陽杜氏有元志考功郎中杭州刺史
其子參謨陝州司倉參軍卽行方之曾祖及祖也表
載參謨三子寅淪嶠淪水部郎中澧州刺史卽行方

之父誤淪爲倫行方及其五子之名皆表所未及撰
文之鄭澣乃德宗時餘慶之子大和七年十一月爲
癸丑朔葬以甲寅月之二日也

古誌
石華

石華錄此文經明誤作明經換誤作授操順淑明
順字補刻於行末石華誤作行亦有未審釋者

登封令崔蕃墓誌

高一尺四寸寬一尺四寸廿九行行
三十字字徑四分許正書在長安

大唐故朝議郎河南府登封縣令上柱國賜緋魚袋崔

公墓誌銘

并叙

忠信薦敬天爵也掛黜誠慤者有之卿相祿位人爵也

運機□□者得之至若志意脩而騁富貴道義重則輕
王侯由是論之人與天一何遽哉今見之於崔公矣公
諱蕃字師陳魏郡博陵人也自食菜受氏世有明哲子
玉以座右顯季主由屏風著或以春秋筆削自任或以
嫉惡鷹隼興譎後魏定姓氏族爲第一風流熾焰以至
公大王父元隱皇朝比部員外郎王父誦華州司法叅
軍父澣少府監贈散騎常侍皆以清重稱美首冠士流
於戲侯上不繫其本根鳳鵠必生於丹穴公卽右貂之
仲子也早以門蔭補□文館學生試經高第授華州叅
軍歷攝諸曹若素更練方辯才之適用也次授鄭縣主

蒲未上遘 內艱色慘神傷□泣而衰衣裳外除猶杖
而起久之方調授鄭縣尉不樂煩劇得疾就選授左金
吾衛錄事參軍 蘭錡□清聰獲殊寵以政治脩舉爲
樓煩陳公所辟署監牧使判官奏大理評事公勤績著
群牧孳息轉大理司直兼殿中侍御史陳公改遷又爲
後使郭公邀留奏殿中侍御史遷監牧副使驛驩駟駿
服御稱旨特加章綬以報勲勞朱綬煌煌益光 寵
命郭公以稱望弥重非外□□堪上表薦 聞除
河南府倉曹參軍秩滿調集天官又以才出九流□名
宰府衆謂此時必居廊署執政失監除登封縣令咸共

寃歎公獨欣然之官二旬遂至薊殞大和癸丑歲閏七月三月啓手足焉享年五十有九夫仁者必得其名必得其壽鈞軸不至耆傳尙遙稽驗前志一何爽也公率性閑暇襟抱澄曠弱不好□□□遺榮自幼及長不易其操

德宗韋賢妃公之從母也恩華重沓□□

□光竟以冲退不受其榮家貧位卑斷可識矣娶河南于氏有子二人長曰□約挽郎出身次曰閻六歲與名齊戲罷輒啼傷心何極有女□人長適太原王氏餘未及笄皆泣血呼天行路哀歎季第著檢校太僕少□□州別駕□飛□□□淚盈襟撫孤奉檄以其年十一月

八日歸葬于京□□□縣寧安鄉曲□_士耐先塋也博
齊與公少相狎長相愛芝焚蕙歎吾□□□感生平
泣而銘曰

孔周之劔不能煞人光□冰雪閑匣生塵上稽燧古所
紀無隣□□□□□今辰岳岳登封深懷至仁垂髫
啓手不啻其真道非偶運不執□□□帝戚且
復居貧冲謙抑退安此沉淪諸傳萬祀孰不書紳少陵
□□□□□唯餘令德終天不泯

嵩陽隱士趙博

_{下缺}

德宗妃韋氏安定公主之孫也貞元四年冊爲賢妃

新舊唐書皆有傳

古誌
石華

右墓志二十九行行三十字正書字徑四五分石缺
去後下角二十餘字志言父潞少府監贈散騎常侍
又云公卽右貂之仲子也攷唐書百官志少府監從
三品左右散騎常侍正三品注云隸門下省皆金蟬
珥貂潞贈散騎常侍故有右貂之稱又云德宗韋賢
妃公之從母也則蕃母乃韋氏矣韋賢妃見唐書后
妃傳志文後有博齊與公少相狎長相愛之語則銘
末下題嵩陽隱士趙博之下必是齊字蓋文爲趙博
齊所撰也蕃卒於登封任所而云歸葬於京兆□□

縣先塋則此志亦當出於關中蕃家京兆而志言魏

郡博陵人者舉其望也

古泉山館
金石文編

古誌石華載此志一何遽哉遽誤遠□泣而哀□
泣誤泣飲署監牧使判官署誤爲特加章綬綬誤
服鈞軸不至鈞字右半近蝕而誤作宰輔自幼及
長及誤至諸傳萬祀諸誤緒又耐先塋上尙有二
字而脫之竟以冲退上缺光字嵩陽隱士缺嵩字
茲悉據石本正之至石本所缺如非外□□堪堪
上作所□名宰府名上作記弱不好□□遺榮
好下弄樂道三字□飛□□□淚盈襟作手足情

重灑淚盈襟□感生平感上作用光□冰雪光下
作含□紀無隣紀上似是象字而作藝絕無隣又
帝城上作身為二字少陵下作原畔萬木無春六
字趙博下作齊撰二字以意補入不足為據備述
之使後來毋為所誤也

安國寺寂照和上碑

大和七年十二月
萃編載卷一百八

篆額題唐故安國
寺照和上碑九字

夢禮

禮作

熱際

熱誤

鼓地

鼓作

鉢蒲

缺鉢

悉慙

慙誤

一

禮

禮作

智文

缺智

扶渾

扶誤

碑稱父詮灌鍾府折衝鎮于咸陽馬跑泉新唐書地

理志無灌鍾府之名碑又稱貞元十年春將□于清涼山清涼山曼殊大士是司鱗長遊之不誠必有疾雷烈風後之修五臺山志者未之及

平津讀碑記

都水監丞隴西李琮墓誌

方一尺四寸二分廿四行行廿四字字徑三分正書左行

大唐故隴西郡李府君墓誌銘

井序

鄉貢進士昔耘撰

兄承務郎行潞州長子縣尉璵書

夫地稱膏壤迺生度用之材家歸忠貞必育仁義之子蓋慶由善積氣自元深在論物情其義一也府君諱琮

字溫中 先日隴西人也門承台鼎代襲勲崇懿範令
儀生而復稟謹飾挺立孤高莫傳爰自稚齡至于羈歷
挹瑚璉之器有老成之風履榮蔭而不自媒爲貴胄
而心無所伐 曾祖欽皇金紫光祿大夫左金吾衛大
將軍贈太子太保雄名偉望迥冠古今 祖景皇

開府儀同三司太尉兼中書令贈太師閒傑之後特因
時生匡國甯人事著貞元之世徇忠奉節名光圖閣之
書 父慤雲麾將軍前右龍武軍將軍知軍事稟靈
祚胄挺器英枝韞忠略而候難以行寘謀猷而候時乃
進 府君飽飫教道足守義方未踰弱年兩覲銓選位

官察職流輩無雙罄勤恪以務公途竭俸祿而資私養
用友歸美親族稱賢謂若寒松永固凌霜之質皤如春
槿旋飛不實之華傾自疾纏暨丐莫救時大和八年二
月一日終官于朝請卽行都水監丞雲騎尉廿有一何
顏子促矣傳 父保母哀無輟時恨存歿之有殊屬穿
竇而獲日誠有可載議刊刻焉遂命末才俾爲紀述以
是年是月十五日墓于京地府萬年縣甯安鄉杜光里
庶年祀更易陵谷推移希播餘徽用銘於石其詞曰
貴葉勲枝 非尔迺誰 挺生秀氣 特稟英姿 體
抱冲和 色踰謙敬 宇蓋松寒 肌膚玉淨 中稱

孝謹 外伏敦良

威儀自得 行義潛彰 千里之

駒 九秋之鶚 方富於年 曷爲凋落 原儀將設

送禮斯陳 黃壚日閉 萬古千春

右都水監丞隴西李琮墓誌松坪所贈其文自左
而右誌石中僅見也琮官都水監丞而標題不書
但書隴西當時族望之隆門第之貴猶可想見書
祖若父名皆缺筆出於子孫之手避其家諱而曾
祖不避殆不逮事也其祖卽西平郡王李晟也墓
碑具存與此誌有異者誌不言西平王當是省文
誌言開府儀同三司則碑文所無而史傳有之尙

在四鎮北庭兵馬使之前誌何以獨述及之誌言
贈太師與傳合碑何以獨遺之又誌言欽金紫光
祿大夫碑所不及碑言隴右節度經略副使誌所
不及其詳略互殊如此又碑言慙嵐州刺史誌言
雲麾將軍前右龍武軍將軍知軍事絕不相同碑
立於大和三年此誌作於大和八年當是立碑後
所歷之官而世系表亦稱嵐州刺史則未得其實
恐第據屍碑書之耳表不載慙後可據誌補之至
表書欽官之誤潛研言之矣誌書靈作靈希作希
膚作膚他處未見

太府寺主簿楊迥墓誌

方一尺七寸廿六行行
廿五字字徑五分正書

唐故太府寺主簿宏農楊府君墓誌銘

宣德郎守左春坊太子內直郎賈文度譔

公諱迥字居然其先宏農人也纓冕不□炳煖相聯雖
曰四代五公其後益熾公會大父元圭任銀青光祿大
夫守工部尚書太子少保大父錡任銀青光祿大夫守
衛尉卿附馬都尉尚萬春公主主贈太常卿父叵任中散
大夫守光祿卿尚宜□縣主廿秉懿德姻襲金枝初任
文敬太子廟令奉蘋藻供祭□禮敬必誠嚴謹備至次

任左監門衛胄曹參軍和而不同雅而應物克己復禮
時然後言次任左威衛胄曹參軍性專靜內敏有幹局
無□無爲化成於政次任河中府河東縣尉儉慎端默
居官廉恪所□不過一屬而政行一邑次任太府寺主
簿守位必敬臨事必□□嘗以悔愆改節爲摧豪屈言
府君有子二人長子曰宏次子□□訓以義方敦閱詩
禮咸能被服文行時人稱公善誘善教何□□不福善
以大和七年十月十七日寢疾終于返康里之私第享
□五十有三吁公之歿也志負其願壽違其仁官屈其
歸君子□□□□嗟其□而復其命嗚呼渭水東注時

与之俱音光緬然何□□矣夫人秀容縣主禮樂風操
家之範也柔明孝慈天之質也□修采蘋之職□以家
節楊氏之六姻肅九族睦實夫人是賴豈期循短是歲
十一月十日不勝其哀薨於靈側春秋二十有六後公
廿三日而歿公之難弟前司農寺丞追涕血護喪痛生
鴈序謹以歲次甲寅八月己卯朔廿四日壬寅遷公及
夫人靈座合安居於萬年縣高平鄉高望里附先塋
之禮也猶懼人世陵谷之不可期故刻石誌之異其名
氏之攸遠也銘曰

瓊樹零落方秋夜長

金枝寂寞方遺清芳

永屬泉戶方誠感傷

天乎欲問方徒蒼蒼

弟通直郎前守司農寺丞武騎尉追書

右太府主簿楊迴墓誌當在咸甯出土迴之先代
見宰相世系表惟錡稱太僕卿與誌不同迴不載
官職亦不載其子据誌暄有二子迴亦有子皆可
据以補正之萬春公主元宗女也公主傳萬春公
主杜美人所生下嫁楊肫又嫁楊錡薨大祿時楊
肫卽錡之從子也又太華公主貞順皇后所生下
嫁楊錡薨天寶時是太華薨後再尙萬春而誌不
言尙太華敦閱詩禮以閱爲說延康里卽延康坊

在長安街西里有閭立本宅後符太元居之寶祿
二年於其地置諸王府

內寺伯朱夫人趙氏合祔誌

方一尺七寸許廿八行行廿九字字徑五分正
書雜行體篆蓋題大唐故夫人趙氏誌銘九字

大唐故興元元從登仕郎守內侍省內侍伯貞外置同
正貢上柱國朱公故夫人天水郡趙氏墓誌銘

并序

朝散大夫守太子右贊善大夫兼通事舍人侍御史
上柱國崔鏐撰

崇高方廣大之厚礚礚兮周流之遠浚源長派茂幹脩
柯著于圖諫可淂而言也 夫人姓趙氏其先天水人

逮乎晉室克纘威烈播揚芬馥歷世輝耀搢紳之盛著
乎人文炳然昭彰脩存簡冊 夫人幼稟禮法長明詩
訓閑惠詳雅實生之知及笄而歸于朱氏之門克承坤
順之柔婉婉謙恭之美奉 舅姑著雍和之稱睦娣姒
有柔愛之儀垂範可以示後昆立程可以式九族加之
以恭儉施惠愛人以禮慈和溫敬六親儀形是宜克保
室家永綏豐祿良時難再晝矣二十二年及茲從心專
意內典以嗣子奉 命鷄林三歲然復疚心疾首
六時禮念冥期祐助以福後胤果符神力保全以歸洎
相見時悲倍於喜決旬 大天寵命日隆自宮闈令

拜閭門使中外相慶咸謂 夫人冥求保助以致於斯
既契夙心吾無恨矣嗚呼方歡娛於 色養遽見悲於
夜泉 夫人以大和八年四月十六日終於長安輔興
里之私第享年七十有五歸全之日 遺命謂大夫曰
汝忠於 國又孝於家海外三年吾期重見於此盡
矣更何恨焉啓手足親戚悲號皆若終身之酷可謂生
死之義備矣 先府君元和七年卽世權窆于京

地長安縣龍門鄉石井村今以其年十一月十四日改
卜新阡重安窀穸于承平鄉大嚴村合祔禮也嗣子朝
政官闡局令充閭門使克承家之景行著揮謙於士流

文以飾身武資忠力一心庄

主万里前途泣

血煢煢杖然後起兩女長適濮陽吳氏先

夫人二

歲而卒次適彭城郡劉氏晝夜哭泣水漿不入行路咸

歎殆至毀性鍰嘗忝

國命与

大夫同赴三韓

脩聞

夫人善德託以叙述不敢飾讓庶紀

其梗槩其餘美烈固存乎女史刊于貞石以懼陵谷之

變也銘曰

灼灼薜華

皎皎如月

既歸我里

禮法斯設

其一

垂範體則

用光婦德

克奉舅姑

以展忠力

其二

永享豐祿

宜其家良

白日不駐

青松已行

其三

哀哀嗣子 崇崇高原 冥冥長夜 騁騁在焉其四

隴塋新啓 壽堂初開 合祔神宮 永安夜臺其五

右內寺伯朱公妻趙氏合祔誌松坪所貽當在長
安出土者趙氏之夫不顯名其子朝政亦無攷標
題稱興元元從功臣號文云嗣子奉命鵷林三歲
又云鏐嘗忝國命與大夫同赴三韓按新唐書東
夷新羅傳新羅王彥昇死子景微立太和五年以
太子左諭德源寂冊弔如儀朝政及鏐蓋皆隨源
寂出使者源寂爲左諭德正四品下崔鏐爲右贊
善大夫正五品上當是以崔鏐爲副使而史所不

詳也搗謙作揮謙周易王弼注云指搗皆謙也陸德明經典釋文亦云搗指搗是即指揮字也搗揮可通輔興里當即輔興坊在長安東市閣門使不

見於百官志

修龍宮寺碑

大和九年四月廿五日
萃編載卷一百八

老禪

缺老字

遊鏡

缺鏡字

無易

缺易字

施子來

缺子來二字

石鼓山題刻三段

在衡州

裴刺史等題名

高一尺廣一尺三寸七分行字
不一字徑一寸五分正書左行

衡州刺史

裴



監察御史陳

越石

郡從事閻

斯

琴客張

贊

大和九年九月十日同遊

右裴□等題名正書七行左行在衡州府城外石鼓

山厓壁裴下闕其名案裴刺史衡州府志職官未載

無可攷

古泉山館金石文編

湖南通志錄此郡誤作部石泐處仍据志補之

東岩二字

二石各高一尺六寸廣一尺七寸各一字字徑一尺二寸許分書

東岩

在石鼓山東巖上

清泉縣江志

西谿二字

高一尺四寸廣三尺八寸橫列二字字徑一尺正書

西谿

在石鼓山西谿石壁字大徑八寸與東巖字皆貞觀

中刺史字文炫書今東巖字無存

清泉縣江志

石鼓山題刻屢託搜訪僉謂無蹤已閱八年矣王

申秋復浼張蔗泉

啟鵬

金已生

庭榮

再往剔抉乃

得此三種及宋人題名六段皆落封寸許拂拭而後可施璣蠟蓋數十年無知之者東巖字已砌諸圍垣內今始取出而易以它石江志以爲無存也石無題款志謂宇文炫書未知所據通志職官亦未載其名窪尊釣臺合江勝□等字則渺不知其所在至范石湖石鼓山記所稱李吉甫齊映諸題名乾嘉諸先輩均未見之寶刻類編亦僅載李吉

甫一種或已漫滅淨盡邪水經注云臨承縣有石鼓高六尺湘水所經鼓鳴則主有兵革之事羅君章云扣之聲聞數十里此鼓今無復聲一統志云石鼓在縣北一里輿地紀勝云山有東巖西谿爲朱陵後洞范石湖石鼓山記云州北行岡隴將盡忽山石一峯起如大石礮浸江中烝水自邵陽來繞其左瀟湘自零陵來繞其右而皆會於合江亭之前併爲一水以東去石鼓雄踞要會蓋其形勢如此

裴澣妻京兆杜夫人墓誌

高一尺四寸廣一尺三寸六分三十行
行三十十字字徑四分前二行不齊正書

唐故京兆杜夫人墓誌銘并序

明議郎守太子少詹事上柱國新野縣開國男食邑
三百戶賜緋魚袋杜寶符撰

裴辭書

在前
行下

夫人京兆杜氏氏爲名有日月矣自虞以還譜牒承美
揮翰於太史氏也閱周秦漢魏之書迫于草隋不遠百
祀而杜之嗣續官業有功于時者有名燦于

代者有

負大人之材不伸於嚴

野

者有詞清人標爲搢紳之准

繩者暨夫

神堯帝天下

文皇宅四海若室屋之時賢相有翼戴之功推 夫人

七世祖也時封萊國公名見史藉厥後隨 聖業而代

有煥於文學者 夫人曾大父諱含章任左千牛累贈

鄭州刺史 夫人大父諱綰任京兆府司錄累贈尚書

左僕射 夫人父諱黃裳任檢校司空同中書門下平

章事兼河中晉絳慈隰葑州節度使累贈太尉外族李

氏出趙郡封東祖世有大官不書可認其業茂矣門風

清揚有弟兄四人皆服勤儒業姊妹五人舉其顯者由

次姊適宰相韋執誼外生有官于臺閣者 夫人天錫

明敏若非學知岡究古藉而洞得泚態笄年適河東裴
澣澣以門子入任歷官五任澣氏之有別也則涉河而
東直指大山山突古墳松檟百里崗環勢止徙塋畿洛
自得姓以來代修儒業史筆褒之爲第一衣冠九三廿
外內皆顯名迹追封定謚爲琳琅慕嚮澣之同氣 周
行迭進澣之甥姪錯落文秀人不知澣之昭叙自爲闢
耳故不脩錄也澣性謹厚志尙儒雅凡未識澣者見澣
之風度俯仰皆曰豈非碩德名儒之家耶由是人十之
七八其詞也澣曾官于河潼知華驛時屬河北有師拒
王命者持 詔之臣往復軍師日之百數輩闐溢

館舍公食不足卽 夫人罄其私室以備官湏往往寒
衣不續簞食絕味慮澣之內愧以職公而不補其家則
假以他事而飾詞以相怡悅時家甚窘而禮義富之適
澣廿年生子九人長曰衲業擅兩經次及女等年皆稚
子志性甚高 夫人享年世七大和乙卯歲歿于崇賢
里僦宅嗚呼天施幾何何人鵲年餘馨尙存 吉人遺
百里閭爲哭親愛無生以其年十一月廿九日權窆萬
年縣甯安鄉杜光里時弟寶符追 亡姊之行止未編
史策願寫誌石其文曰

高道浮雲 雲散何尋 德潤和璧 其璧永沉 合

門正肥 青樓始擗 寂寞其生 煒煜其後 巖巖
甚壯 有時而傾 窮冬枯邊 有時而精 滄波万
里 有時而田 邱墟荒野 有時而城 死楊空株
有時而梯 夫人此去 永永無期 善惡莫分
孰宰宵冥 夫人□天 蒼旻不知

右裴澣妻京兆杜夫人墓誌在咸甯出土夫人之
父黃裳唐書有傳黃裳字遵素京兆萬年人傳云
贈司徒誌云累贈太尉與傳不同傳云封邠國公
諡宣獻誌略之傳不敘宰相世系表載之表稱含
章定州司法參軍與誌左千牛者不合當以誌爲

正表列含章之父元道左千牛疑與含章官職互
誤含章贈鄭州刺史綰贈尚書左僕射當以黃裳
入相推恩先世而表略之也傳載黃裳曰載曰勝
誌云弟兄四人後云弟寶符追亡姊之行止是黃
裳有四子寶符其一也傳與表皆失載傳言載官
至太僕少卿表亦失載皆可補之寶符嘗官度支
郎中見郎官石柱題名文云賢相有翼戴之功推
夫人七世祖也時封菜國公名見史籍卽杜如晦
也封蔡國公菜蓋蔡之誤七世祖蓋七世從祖也
文又云次姊適宰相韋執誼外生有官於臺閣者

執誼爲黃裳壻史亦見之黃裳傳云壻韋執誼輔政黃裳勸請太子監國執誼傳云帝以宰相杜黃裳之壻故最後貶外生當指執誼之子世系表執誼四子惟次子曠爲鄭州刺史餘無官意當大和時曠尙官於臺閣也文又有澣曾官於河潼知華驛云云案柳公綽傳長慶元年復爲京兆尹時幽鎮用兵補置諸將使驛係道公綽奏曰比館遞匱乏驛置多闕敕使衣緋紫者所乘至三四十騎黃綠者不下十數吏不得視券隨口輒供請著定限以息其弊澣爲驛吏當在其時夫人罄私室以備

官須至寒衣不續簞食絕味尙復慮幹之內愧假
事飾詞夫人賢矣哉宜其於千載之後誌石出土
而夫人之名不朽焉

左龍武將軍張源墓志

方一尺五寸四分廿二行行廿
三字字徑五分許正書在咸甯

唐故雲麾將軍左龍武軍將軍九原張公墓志銘并序

河東進士周□製 集賢院上柱國呂通書

猗夫乘間氣□瀉精扇風雲盪河岳體五行之秀應三
才之靈者翳惟我張公而是焉公諱源九原人也祖成
隱德不仕耽逸邱□□亮采竟以子貴克大其門 皇

朝贈南谿郡司馬公清德可尙至理足師屬我 皇撥
亂之開元也公提劍□從杖□而先附鳳高翔攀龍潛
躍遂使群兇泥首萬方革面□□授翊磨副尉行興州
大柰戍主遷右衛甯州彭池府□□殺靈鑒洞照應變
知微命偶聖君賊叅都尉又改昭武□尉行左衛陝州
曹陽府折衝轉左領軍衛同州襄城府折衝叅謀帷幄
之中制勝樽俎□右無何拜甯遠將軍左武□翊府右
郎將贈紫金魚袋旋授之遠將軍行右龍武軍翊府右
郎將又遷明威將軍右龍武翊府中郎將公位階鴻漸
官達亮賁騰凌建信之名標準公幹之氣轉雲麾將軍

左龍武軍將軍上柱國進封九原郡開國子食邑六百
戶 皇帝迺命圖形麟閣賜印雲臺公侯伯子之榮封
河山茅土貝冑朱綬之貴列長戟高門忽興逝水之悲
終銜過隙之歎以大和十二年二月廿一日薨於永平
里之第春秋六十有九以其年十月朔日葬於萬年縣
龍首原禮也嗚呼地理勇骨天墜將星蕭瑟松門淒涼
薤韻嗣子福等哀哀血淚爰爰棘心願誦惟家之風以
篆他山之石銘曰 三秦岡九原窟鶴□地兮潛恍
惚森拱木間荒墳人瘞玉兮碎氛氲

右張源墓志在咸甯補訪碑錄載之案九原屬豐

州九原郡興州順政郡屬山南西道甯州彭原郡屬關內道有府十一一曰彭池陝州陝郡屬河南道有府十五一曰曹陽同州馮翊郡屬關內道府有二十六一曰襄城均見新唐書地理志翊麾副尉從七品下昭武校尉正六品上昭武副尉正六品下甯遠將軍正五品下定遠將軍正五品上明威將軍從四品上雲麾將軍從三品上並武階右衛左衛左領軍衛左武衛翊府右郎將左龍武軍翊府右郎將右龍武翊府中郎將以及戍主都尉折衝諸名並見百官志顧有可疑者集賢院屬有

學士直學士修撰校理待制判院押院留院知檢
討文學直編錄校書正字以及中使孔目之類甚
多而呂通結銜但署集賢院三字不書所職且集
賢院以章懷太子名改曰崇文而此仍作集賢可
疑一也源爲左武衛翊府中郎將嘗佩紫金魚袋
而書贈不書賜可疑二也唐制爵九等惟開國公
有封郡者而此云封九原郡開國子可疑者三也
開國子食邑五百戶而此云六百可疑者四也文
宗之世史無繪功臣像之文而此云圖形麟閣可
疑者五也邱字加從卩唐碑中罕見之或從人從

戈戌從戌從一碑版中書戌作戌者不一而足書
戌作戌者未嘗見之而此刻戌主作戌又右龍武
龍誤作隴可疑者六也順宗名誦以詠字代之憲
宗名純初名湊改湊州爲欒州還湊縣爲清溪湊
風縣爲從化省湊于氏爲于氏而此皆不避前虎
賁字亦不作武賁可疑者七也石泐處似以椎鑿
者未泐處鋒穎如新出硯可疑者八也而字蹟秀
潤足以亂真故錄而辨之以諗來者

八瓊室金石補正卷七十二終